



UNIVERSITÄTS-
BIBLIOTHEK
PADERBORN

Universitätsbibliothek Paderborn

Jacobi Usserii Armachani Annales Veteris Et Novi Testamenti

Ussher, James

Lutetiæ Parisiorum, 1673

Thesis I. Initium regni Sedechiæ deducendum est à 10. die 4. mensis;
justis undecim annis ante captivitatem ejusdem Sedechiæ, & unico mense
Salomonici Templi excidium; quod in 10. diem 5. mensis ...

urn:nbn:de:hbz:466:1-14425

10. collocandum esse statuit. Quod ut plenius percipiatur, rerum ad hos tres reges spectantium tempora sequentibus thesibus explicanda esse duximus.

I.

Initium regni Sedechie deducendum est à 10. die 4. mensis; iustis undecim annis ante captivitatem ejusdem Sedechie, & unico mense Salomonici Templi excidium; quod in 10. diem 5. mensis incidit.

Prophetavisse *Ieremias* dicitur, donec absolute veretur undecimus annus *Sedechie* filii *Iosia* regis *Jude*, & donec deportaretur *Hierosolyma* mense quinto (*Jerem.* I. 3.) Anno vero undecimo *Sedechie*, 4. mensis die 9. perrupta civitate & à *Babyloniis* occupata, noctu rex aufugiens ab insequentibus *Chalæorum* copiis in campibus *Zerichuntis* captus est. (*Jer.* XXXIX. 2. 5. & LII. 4. 9.) Sequentis deinde mensis 5. die 10. Templo & Urbe destructis, in captivitatem *Hierosolymitani* sunt abducti. (*Jerem.* LII. 12. & 15.) Ex quibus inter se collatis, colligimus; & undecimum *Sedechie* annum fuisse completum, (non X tantum solidis annis illum regnavisse; ut asserit *Scaliger*) & inter captivitatem illius & templi conflagrationem mensis spatium intercessisse: atque quod inde est confectarium, circa 4. mensis diem 10. regnare eum cepisse. Ubi enim de fine constat, de initio dubitari non potest: quum in anni circulo principium & finem communi contineri termino nemo ignoret. Cumque inter captum *Sedechiam* absoluto anno regni sui undecimo, & deportatum populum integer mensis (ut dictum) fuerit interpositus: & in *doctrina* *ira* *ris* *Sedechie* *ba* *rius*, duodecimo anno regni *Sedechie* calamitatem illam accidisse, in libro primo *Stromatum* *Clemens Alexandrinus*, retulit, rectius quam *Iosephus* Templum incensum fuisse scribens anno regni *Sedechie* undecimo; (*libro* X. *Antiquit.* cap. XI.) quum ante mensem is captus annum regni sui undecimum compleverit.

II.

Obsidio Hierosolymitana capta anno Sedechie 9. mensis 10. die 10. & interruptu exercitus Pharaonis postea interrupta redintegrata est anno Sedechie 10. mensis 3. die 15. & per dies 390. usque ad captam Urbem continuata: Ita ut ab obsidionis primo principio usque ad captam urbem in fine anni 11. Sedechie, mensis 4. die 9. mensium 30. usque ad eandem incensam mensis 5. die 10. mensium 31. spatium intercesserit.

Anno 9. *Sedechie*, mensis 10. die 10. *Nebuchadnesarem* *Hierosolymam* obsidere cepisse, ex 2. *Reg.* XXV. 1. *Jerem.* LII. 4. & *Ezech.* XXIV. 1. 2. & *Pharaonis* exercitu adventante recessisse, & *Jerem.* XXXVII. 5. 11. & XXXIV. 21. 22. intelligimus. Anno 10. mensis 10. die 12. contra *Pharaonem* & *Aegyptios*

prophetavit *Ezechiel*; quod fuissent *basilus arundineus domus Israelis* (*Ezech.* XXIX. 1. 6.) *Pharaonis* enim exercitu re infecta domum reverso; ad Urbis oppugnationem denuo *Chaldæi* redierunt; prout à *Ieremia* prædictum fuerat. (*Jerem.* XXXVII. 7. 8.) ann. eodem *Sedechie* 10. qui *Nabuchad nesaris* sive *Nebuchadnesaris* fuit 18. (*cap.* XXXII. 1. 2.) Ut, quum in fine anni 11. *Sedechia* à *Babyloniis* *Hierosolyma* occupata fuerit; (ut in priorè *Thesi* est ostensum:) ultra annum obsidionem hanc posteriolem continuatam fuisse appareat, nec supra dies 25. tamen: quantum ex *Ezechiel.* IV. 5. 8. colligere possumus; ubi in typo, dies 390. obsidioni *Hierosolymitanæ* assignatos invenimus. Qui ab anno 11. *Sedechie*, mensis 4. die 9. quo Urbs perrupta fuit, (*Jerem.* XXXIX. 2.) retro numerati, ad mensis 3. diem 15. in anno *Sedechie* 10. nos perducunt: quod redintegratæ obsidionis statuitur à nobis initium. Unde error detegitur, tum *Fl. Iosephi*, libro X. *Antiquit.* cap. 10. & 11. (*edit.* *Græc.*) qui non solum secundam hanc obsidionem 9. *Sedechie* anno & mensis 10. die 10. eodem quo nos primam, incepisse affirmat; sed etiam inde usque ad captam urbem anno *Sedechie* 11. mensis 4. die 9. mensis tantum 18. (pro 30.) bis dinumerat: tum *Severi Sulpicii*, qui in *Sacræ* sive *historiæ* libro priorè, triennio, duravisse obsidionem significat; quanto tempore *Samariam*, ante regni *Israelitici* excidium, à *Salmenefero* *Affirio* fuisse obsessam, ex *sacris* literis (*2. Reg.* XVII. 5.) didicimus. Neque audiendus hic *Johannes Drusus*; qui pro triennio in *Sulpitio*, biennio fere rescribendum esse pronunciat: quum supra biennium etiam anni dimidium, uno die minus, à capta primam obsidione usque ad civitatem ab hostibus occupatam, accuratior noster calculus hic exhibet.

III.

Circa mensis 4. diem 5. facta est Iechonia deportatio 5. circiter ante regni Sedechie initium diebus.

Anno à deportatione regis *Josacini* sive *Iechonia* quinto, mensis quarti die quinto, *Ezechielis* Prophetæ omnium prima exhibitæ est visio. (*cap.* I. 1. 2.) Post quam, cum apud populares suos deportatos toto septiduo, quasi stupore quodam percussus desedisset; (*cap.* II. 15. 16.) continuus 390. dierum in publico omnium conspectu, cubatus à Deo illi imperatus est. (*cap.* IV. 4. 5.) Exacto deinde anno uno & mensibus duobus, post primam, sedentidomi suæ cum senioribus *Judæ*, nova ostensa est visio; anno deportati *Iechonia* sexto, mensis sexti die quinto (*cap.* VIII. 1.) A. 197. deducta dierum 365. quantitate annua relinquuntur dies 32. ut intervallo, inter utramque visionem interposito complendo, spatium unico mense minus hic tantum desit. Unde concludimus, circa ipsum ann. 5. captivitatis *Iechonia* visionem primam esse factam: ac proinde circa quintum mensis quarti diem captivitatem illam

incepit

* Scaliger.
Animadv. verif.
Euseb. pag.
80. & Canon
Iligos. pag.
347.